

Aholiga suyultirilgan uglevodorod gazini yetkazib berish bo'yicha NAMUNAVIY SHARTNOMA

Shartnoma tuzilgan sana

Shartnoma raqami-son

Shartnoma tuzilgan hudud

Ustav va Ishonchnoma berilgan sanada berilgan Ishonchnoma raqami-son Ishonchnomaga asosan ish ko'ruvchi «Filialning nomi gaz» filiali (keyingi o'rinlarda gaz ta'minoti tashkiloti deb ataladi) nomidan uning rahbari Filial rahbarining F.I.O. bir tarafdan, Iste'molchining yashash viloyati viloyati, Iste'molchining yashash tumani (shahri), Iste'molchining yashash ko'chasi ko'chasi, Iste'molchining uy raqami-uy, Iste'molchining xonadon raqami-kvartira egasi fuqaro Iste'molchining F.I.O. (keyingi o'rinlarda iste'molchi deb ataladi), Iste'molchiga pasport berilgan sanada Iste'molchiga pasport bergan IIB (hudud) tomonidan berilgan pasport Iste'molchining pasport seriyasi seriyasi Iste'molchining pasport seriya raqami raqami, Iste'molchining pasport seriya raqami, ikkinchi tarafdan quyidagilar to'g'risida ushbu Shartnomani tuzishdi:

I. Shartnomaning predmeti

1.1. O'zbekiston Respublikasi Vazirlar Mahkamasining 10-avgust 2018-yildagi "Aholi va ijtimoiy soha obyektlariga kundalik hayotda foydalanish uchun suyultirilgan uglevodorod gazini yetkazib berish tizimini takomillashtirish to'g'risida"gi 646-sonli qarori talablariga muvofiq gaz ta'minoti tashkiloti suyultirilgan uglevodorod gazini yetkazib berish, iste'molchi esa suyultirilgan uglevodorod gazini maishiy ehtiyoj uchun foydalanishga qabul qilish va haqini to'lash majburiyatini oladi.

II. Yetkazib beriladigan suyultirilgan uglevodorod

gazining sifati va hajmi

2.1. Gaz ta'minoti tashkiloti suyultirilgan uglevodorod gazini GOST 202448-90 "Газы углеводородные сжиженные топливные для коммунально-бытового потребления" talablariga muvofiq yetkazib berish majburiyatini oladi.

2.2. Gaz ta'minoti tashkiloti iste'molchiga maishiy ehtiyoj uchun bir oyda Yetkazib beriladigan gaz miqdori kg (m^3) suyultirilgan uglevodorod gazini yetkazib berish majburiyatini oladi. Yetkazib berilgan gaz qayta sotilmaydi. Yetkazib berish respublika bo'yicha suyultirilgan uglevodorod gazi resurslari va taqsimotining tasdiqlangan balansi doirasida tuman (shahar) hokimligi tomonidan tasdiqlangan jadvallarga muvofiq amalga oshiriladi.

III. Taraflarning huquq va majburiyatlari

3.1. Gaz ta'minoti tashkiloti:

a) ushbu Shartnomaning 3.4-bandi talablariga rioya qilinmagan taqdirda tegishli dalolatnoma rasmiylashtirgan holda iste'molchiga suyultirilgan uglevodorod gazi yetkazib berishni to'xtatish;

a¹) tasdiqlangan tariflarga muvofiq xizmat ko'rsatish orqali suyultirilgan uglevodorod gazi bilan to'ldirilgan maishiy gaz ballonlarini loyiha yoki eskiz asosida o'rnatib berish va almashtirish;

b) iste'molchidan suyultirilgan uglevodorod gazidan foydalanishda amaldagi normativ hujjatlarga rioya etishni talab qilish huquqiga ega.

3.2. Gaz ta'minoti tashkiloti:

a) tasdiqlangan jadvalga muvofiq suyultirilgan uglevodorod gazini o'z vaqtida yetkazib berishga;

b) iste'molchiga belgilangan tartibda suyultirilgan uglevodorod gazidan foydalanish to'g'risida yo'l-yo'riq berishga;

v) suyultirilgan uglevodorod gazi bilan to'ldirilgan maishiy gaz ballonlarini iste'molchi manziliga yetkazishga;

g) texnik ko'rikdan o'tkazilmagan maishiy gaz ballonlaridan foydalanishga yo'l qo'ymaslikka;

d) maishiy gaz ballonlarini muvofiqlik sertifikatini bo'lmagan rezinali shlanglarga ulamaslikka;

ye) iste'molchining buyurtmalari o'z vaqtida va sifatli bajarilishini ta'minlashga;

j) yetkazib beruvchi zavodning kutilayotgan kechikishlar yoki suyultirilgan uglevodorod gazi yetkazib berilishi to'xtatilishi haqidagi bildirishnomasi olingan kundan boshlab o'n kalendar kun mobaynida bu haqda iste'molchini xabardor qilishga;

z) iste'molchidagi maishiy gaz ballonini suyultirilgan uglevodorod gazi bilan to'ldirish uchun yig'ish va olib ketishga;

i) suyultirilgan uglevodorod gazidan oqilona foydalanish hamda amaldagi me'yoriy talablarga rioya qilish bo'yicha iste'molchilarga targ'ibot va tashviqot ishlarini olib borishga;

k) gazdan foydalanish uskunasi tasdiqlangan jadvallar va tariflarga muvofiq har yili texnik va profilaktik ko'rikdan o'tkazilishini tashkil etishga;

l) iste'molchining buyurtmanomolari bo'yicha texnologik va gazdan foydalanish uskunasi nosozliklarini maxsus jurnalda ro'yxatdan o'tkazgan holda bartaraf etish choralari to'g'risida ko'rishga;

m) nosozliklar bartaraf etilganligi to'g'risida dalolatnoma tuzishga, keyinchalik uni uch yil mobaynida saqlashga majburdir.

3.3. Iste'molchi:

a) suyultirilgan uglevodorod gazi belgilangan sifatda yetkazib berilishini talab qilishga;

a¹) suyultirilgan uglevodorod gazi bilan to'ldirilgan maishiy gaz ballonlarini loyiha yoki eskiz asosida o'rnatib berish va almashtirish uchun tasdiqlangan tariflarga muvofiq gaz ta'minoti tashkilotining xizmatidan foydalanishga;

b) belgilangan sifatga muvofiq bo'lmagan suyultirilgan uglevodorod gazini qabul qilishni rad etishga;

v) suyultirilgan uglevodorod gazi yetkazib berilishini vaqtincha to'xtatishni talab qilishga;

v¹) iste'molchi gaz ta'minoti tashkilotidan gaz ballonlarida sotib olingan suyultirilgan uglevodorod gazini faqat gaz ta'minoti tashkilotining xodimi tomonidan tegishli yo'riqnomadan o'tkazilganidan keyin mustaqil almashtirishga;

g) suyultirilgan uglevodorod gazi yetkazib berishda tuzilgan shartnomani uzaytirishga yoki gaz ta'minoti tashkiloti tomonidan shartnoma majburiyatlariga rioya qilinmaganda uni yetkazib berish to'g'risidagi shartnomani bekor qilish huquqiga egadir.

3.4. Iste'molchi:

a) suyultirilgan uglevodorod gazidan oqilona va faqat maishiy maqsadlar uchun foydalanishga;

b) gazdan foydalanish uskunasi (individual, guruhli gaz balloni va rezervuar sig'im) o'rnatishga loyiha yoki eskizga ega bo'lishga;

v) gazlashtirish loyihasi yoki eskizi saqlanishini ta'minlashga va uni gaz ta'minoti tashkiloti va vakolatli davlat organlari vakilining talabiga ko'ra ko'rsatishga;

g) suyultirilgan uglevodorod gazi yetkazib berilganligi uchun tasdiqlangan tarifga muvofiq haq to'lashga;

d) gaz priborlari va maishiy gaz ballonlaridan (individual, guruhli) xavfsiz foydalanishni ta'minlashga;

ye) xonada, gaz priborlari va maishiy gaz ballonlari o'rnatilgan joylarda gaz hidi aniqlanganda darhol gazdan foydalanishni to'xtatish choralari to'g'risida ko'rishga, xonani shamollatishga va bu haqda darhol gaz ta'minoti tashkilotiga xabar berishga;

j) gazdan foydalanish uskunasi, maishiy gaz balloni (individual, guruhli) va shamollatish yo'llarini amaldagi normativ hujjatlarga muvofiq soz holatda saqlashga;

j¹) gazdan foydalanish uskunasi gaz ta'minoti tashkiloti tomonidan tasdiqlangan jadvallar va tariflarga muvofiq har yili texnik va profilaktik ko'rikdan o'tkazilishida amaliy yordam berishga;

z) gazdan foydalanish uskunasi va maishiy gaz ballonini ko'zdan kechirish uchun gaz ta'minoti tashkilotining vakillari erkin kirishini ta'minlashga (tegishli guvohnoma ko'rsatilganda) majburdir.

IV. Hisob-kitoblar tartibi

4.1. Yetkazib beriladigan suyultirilgan gaz narxi 1 kg (m^3) uchun Yetkazib beriladigan gaz narxi so'mni tashkil etadi. Hisob-kitob o'lchov birligi uchun belgilangan yagona chakana narxga muvofiq amalga oshiriladi. Belgilangan chakana narx o'zgarganda hisob-kitob o'zgargan narx bo'yicha amalga oshiriladi.

4.2. Iste'molchi yetkazib berilgan suyultirilgan uglevodorod gazi uchun olish holati bo'yicha 100 foiz haq to'laydi. Iste'molchi yetkazib beriladigan suyultirilgan uglevodorod gazi uchun oldindan haq to'lashi mumkin. Bunda uzil-kesil o'zaro hisob-kitob suyultirilgan uglevodorod gazi haqiqatda yetkazib berilgandan keyin yetkazib berish sanasida o'lchov birligi uchun belgilangan yagona chakana narxga muvofiq amalga oshiriladi. Chakana narx o'zgarganda hisob-kitob o'zgargan narx bo'yicha bajariladi. Olingan suyultirilgan uglevodorod gaziga haq to'lash iste'molchilarning tanloviga ko'ra to'lovlarni qabul qilishning istalgan punktlari orqali amalga oshiriladi.

4.3. Iste'molchi gaz ta'minoti tashkilotiga suyultirilgan uglevodorod gazini olish uchun to'lovni tasdiqlaydigan hujjatni taqdim etadi.

V. Shartnomaning amal qilish muddati

5.1. Ushbu Shartnoma imzolangan paytdan boshlab kuchga kiradi va bir yil mobaynida amal qiladi. Shartnomaning amal qilish muddati tamom bo'lgach, agar taraflardan hech biri Shartnomani bekor qilish to'g'risidagi talab bilan murojaat qilmagan bo'lsa, u kelgusi yilga uzaytirilgan deb hisoblanadi.

5.2. Shartnomaga o'zgartirish va qo'shimchalar yozma shaklda rasmiylashtirilishi va taraflar tomonidan imzolanishi kerak.

VI. Taraflarning javobgarligi

6.1. Shartnomaviy majburiyatlar bajarilmagan yoki zarur tarzda bajarilmagan taqdirda taraflar qonun hujjatlariga muvofiq javob beradilar.

VII. Fors-majior

7.1. Yengib bo'lmaydigan kuch holatlari (fors-major) – bu taraflarning irodasi va harakatlariga bog'liq bo'lmagan tabiiy hodisalar (zilzila, ko'chki, dovul, qurg'oqchilik va shu kabilar) yoki ijtimoiy-iqtisodiy holatlar (urush holati, qamal, davlat manfaatlaridan kelib chiqib import va eksportga taqiqlar va shu kabilar) tufayli kelib chiqqan, ular munosabati bilan taraflar ushbu sharoitlarda qabul qilingan majburiyatlarni bajara olmaydigan favqulodda, oldini olib bo'lmaydigan va oldindan ko'rilmagan holat.

7.2. Taraflar, agar majburitlarni zarur tarzda bajarish uchun ularga bog'liq barcha choralar ko'rilganligini isbot qilsalar, aybdor deb hisoblanmaydilar.

7.3. Ushbu Shartnoma ijrosiga to'sqinlik qiluvchi fors-major holatlari yuz bergan taqdirda taraflar aloqa vositalari orqali bir-birlarini xabardor qilishlari kerak.

7.4. Gaz ta'minoti tashkiloti ishlab chiqaruvchi zavodlarda avariya yuz bergan hollarda suyultirilgan uglevodorod gazi yetkazib berilmaganligi uchun javob bermaydi.

VIII. Nizolarni hal etish tartibi

8.1. Kelishmovchiliklar va nizoli masalalar yuzaga kelgan taqdirda taraflar, qoidaga ko'ra, ularni sudgacha hal etish choralari ko'radilar.

8.2. Taraflar o'rtasidagi taraflarning o'zaro kelishuviga muvofiq hal qilinmagan har qanday nizomlar sud tomonidan hal etiladi.

IX. Yakunlovchi qoidalar

9.1. Ushbu Shartnoma taraflarning o'zaro kelishuviga ko'ra yoki Shartnoma qoidalari buzilgan taqdirda bir tomonlama tartibda bekor qilinishi mumkin.

9.2. Ushbu Shartnoma Shartnomaning har bir tarafi uchun ikki nusxada tuzildi, har ikki nusxa bir xil yuridik kuchga egadir.

9.3. Ushbu Shartnomada nazarda tutilmagan holatlar qonun hujjatlarida belgilangan tartibda hal etiladi.

X. Taraflarning rekvizitlari

Gaz ta'minoti tashkiloti

Gaz ta'minoti tashkiloti nomi

Pochta manzili: Gaz ta'minoti tashkiloti manzili

KTUT kodi: Gaz ta'minoti tashkiloti kodi

XXTUT: Gaz ta'minoti tashkiloti mulkchilik shakli

Aloqa qilinadigan telefon: Gaz ta'minoti tashkiloti telefon raqami

To'lovlar uchun bankdagi hisob-kitob raqami: Gaz ta'minoti tashkiloti hisob raqami

Bank nomi: Gaz ta'minoti tashkiloti bank nomi

MFO: Gaz ta'minoti tashkiloti bank kodi MFO

STIR: Gaz ta'minoti tashkiloti STIR raqami

Rahbar: Gaz ta'minoti rahbarining F.I.O

Iste'molchi

Iste'molchining F.I.O.

Yashash manzili: Iste'molchining yashash manzili

Aloqa qilinadigan telefonlar:

mobil telefoni: Iste'molchining mobil telefon raqami

uy telefoni: Iste'molchining uy telefon raqami

Pasportga oid ma'lumotlar: Iste'molchining pasport ma'lumotlari

Shaxsiy hisob raqami: Iste'molchining hisob raqami

____(imzo) M.O‘

(imzo)_____